

# 'Bila-bila nyawa boleh melayang'

ROHAYU menunjukkan keadaan tebing runtuh yang semakin menghampiri rumahnya di Kampung Baru Balik Bukit.

■ Tanah runtuh di tebing sungai kian menghampiri rumah empat sekeluarga



Oleh Shaiful Shahrin Ahmad Pauzi  
metroperak@yahoo.com.my  
**Gunung Semangol**

**N**yawa empat sekeluarga yang menghuni sebuah rumah di Kampung Baru Balik Bukit, Batu 11, di sini, ibarat 'telur di hujung tanduk' apabila rumah didiami bakal runtuh ke dalam sungai sedalam 20 meter pada bila-bila masa.

Keimbangan itu kian dirasai sejak sebulan lalu apabila kejadian tanah runtuh di kawasan tebing sungai itu kian menghampiri rumah mereka dan turut menyebabkan keretakan pada struktur rumah.

Pemilik rumah, Siti Rohayu Ishak, 33, berkata, rekahan tebing sungai yang runtuh itu mula merebak ke kawasan rumahnya menyebabkan bahagian dapur dan dinding rumahnya retak.

"Keadaan kini menjadi kian kritikal apabila kesan runtuhan tebing itu mula menjejaskan sebahagian beranda rumah selain menyebabkan tanah mendap.

"Malah, kami sekeluarga tidak lena tidur apabila membayangkan perkara

buruk yang boleh berlaku jika rumah ini runtuh mendadak," katanya ketika menerima lawatan Timbalan Pengarah Pilihan Raya Barisan Nasional (BN) Dewan Undangan Negeri (DUN) Gunung Semangol, Zaini Cha.

Siti Rohayu berkata, dia dan suami sudah mengadu masalah itu kepada pihak berkuasa tempatan berikutan bimbang keadaan menjadi semakin buruk.

"Saya berharap masalah ini dapat diselesaikan bagi membendung hakisan tebing sungai yang semakin serius di kawasan ini.

Sementara itu, Zaini meminta Jabatan Pengairan dan Saliran (JPS) daerah Kerian meneliti semula permoho-

nan membaik pulih tebing parit untuh berhampiran rumah mangsa.

Menurutnya, perkara ini perlu dipandang serius JPS berikutan masalah runtuhan tebing menjadi ketara sejak tiga bulan dan dikuatiri menjejaskan keseluruhan rumah penghuni jika tidak diambil tindakan.

"Keadaan di-bimbangi menjadi semakin teruk berikutan hujan yang semakin kerap kebelakangan ini. Malah, pembinaan longkang konkrit mungkin boleh mengatasi masalah ini.

"Perbincangan susulan akan dibuat dengan JPS dan berharap penyelesaian segera dapat dicapai demi keselamatan keluarga berkenaan," katanya.

**FAKTA**  
Kesan runtuhan tebing mula menjejaskan beranda rumah selain tanah mendap